



ÅRSMELDING 2019

Sykkylven sokneråd

ÅRSMELDING SYKKYLVEN SOKNERÅD 2019

Sykkylven sokneråd har hatt følgjande medlemar fram til valet i september:

Sokneprest: Simen Elias Nordbrønd Myklebust
Leiar: May Lisbeth Hovlid Aurdal
Nestleiar: Monica Breivik Orre
Medlemar: Torbjørn Støylen, Liv Nordli Hole, Janne Beate Svindseth,
Björg Djupvik Grebstad
Skrivar Knut Henning Aursnes (1.vara møter fast)

Varamedlemar : 2.Per Bjørnar Tynes 3.Ole-Petter Solnørdal
4. Marit Helen Akslen 5. Olav Martin Lid

Sykkylven sokneråd har hatt følgjande medlemar etter valet i september:

Sokneprest: Simen Elias Nordbrønd Myklebust
Leiar: May Lisbeth Hovlid Aurdal
Nestleiar/skrivar: Torbjørn Støylen
Nestleiar 2: Björg Djupvik Grebstad
Medlemar: Monica Breivik Orre,
Therese Kristina Utgård, Linn Kristin Tårnes,
Morten Hjellegjerde (1.vara møter fast)
Tor Mørkeseth (2.vara møter fast)

Varamedlemar: 3. Marit Helen Akslen, 4. Astrid P. Breivik,
5. Therese Brunstad.

Antal soknerådsmøter i 2019: 7 møter
Antal saker handsama: 37 saker

Arbeidet i rådet generelt 2019

Vi viser til møtereferata som ligg på heimesida til Sykkylven kyrkje
(www.sykkylven.kyrkja.no/Om-oss/Sokneråda) for meir detaljert informasjon.

Av saker i 2019 kan nemnast:

- Årshjul med oppgåvefordeling og besøk av tilsette i SR møte
- Årsmelding
- Årsmøte
- Søknad om støtte til kyrkjebygging i Estland
- Omarbeiding og møblering våpenhus og kyrkjestova
- Medhjelparfest
- Tilsetting av ny diakon
- Søknad om diakonimidler frå bispedømet
- «Eittåring» frå bibelskulen i Grimstad fram til sommaren og ny «eittåring» frå hausten.
- Misjon og sosiale medier

- Visitas 3 i 2019
- Nominasjonsnemnd
- Valførebuing inkl. val
- Korleis presenterer vi oss som kyrkjelyd?
- Endring av prostigrenser frå Austre Sunnmøre til Nordre Sunnmøre prosti.
- Seniordag i kyrkja.

Kikens Nødhjelp kontakt: Janne Svindset og Morten Hjellegjerde

Kirkens SOS repr. : Torbjørn Støylen og Torill Olin Skjeret

Representant i misjonsutvalet: May Lisbeth Hovlid Aurdal og Therese Kristina Utgård

Representant i barne-, ungdom- og familieutvalet: Monica Breivik Orre.

Representant i kyrkjemessestyret: Bjørg Djupvik Grebstad

Representant i utsmykningsnemdene: Marit Helen Akslen og Simen N Myklebust.

Den norske kyrkje har desse måla for arbeidet:

1. Gudstenestelivet blomstrar
2. Fleire søker dåp og trusopplæring
3. Folkekyrkja engasjerar seg i samfunnet
4. Fleire får lyst til å arbeide i kyrkja

Desse måla let vi klinge med, når vi ser på arbeidet i Sykkylven kyrkjelyd.

Diakoniutval og diakoniplan

Vi har ikkje diakoniutval enno, men håper at vi med nyttilsett diakon kan få til dette.

Kristin Kjemphol Lohne vart tilsett som diakon i august 2019.

Ikorntes og Sykkylven sokneråd ynskjer felles diakoniutval.

Misjonsutval

Misjonsutvalet jobbar for at misjon skal vere ein integrert del av kyrkjelyden sitt arbeid, saman med frivillige og tilsette. Gjennom gudstenestearbeidet, forbøn, offer, informasjon og inspirasjon.

Her kan vi bli betre, gjennom å aktivt bruke inspirasjonsstoff, både verbalt og visuelt på skjermar og heimeside. Trua kjem av forkynninga, og det er viktig at alle aldrar vert utfordra til å dele tid, ting, tru og talent. Kyrkjelyden har misjonsavtale i Thailand med NMS, Kirkens Bymisjon Møre og prostiavtale med Israelsmisjonen.

Barne-, ungdoms og familieutval (BUF)

Ikorntes og Sykkylven sokneråd har oppretta felles barne-, ungdoms- og familieutval. BUF har hatt to møter i halvåret og referat, mandat og oppgåver er lagt fram for sokneråda.

BUF-utvalet arbeider tett saman med trusopplærar og ungdomsarbeidar. Sjå nærare rapport frå arbeid i årsmeldinga.

Samarbeid mellom utval

Det er viktig å sjå dei ulike utval sitt arbeid i høve til kvarandre, gi kvarandre innspel og arbeide saman. Misjonsutvalet sitt mandat seier: «*Misjon skal vere ein dimensjon i alt kyrkja er og gjer, for barn, ungdom og vaksne*». Misjonsutvalet har oppfordra sokneråda til å tenke misjon innanfor dei eksisterande tiltaka, framfor å lage nye tiltak

for misjon spesielt. Bispevisitasen gav denne utfordringa: «Misjonsdelen i trusopplæringsplanen er for liten og for lite konkret slik den er no. Dette kan jobbast vidare med». Leiarar i ulike tiltak: Familieleir, XLR8, fredagsklubben, søndagsskule, maxigjeng, tweens, konfirmantarbeid, familiemiddag, sang og korarbeid og gudstenester kan gjerne etterspør innspel frå misjonsutvalet, for å vere med å gi innhald med misjonsperspektiv.

Sykkylven kyrkjelyd er medlem i NMS gjennom familiemiddag blant anna. Her er det stoff og besøk å hente inn i trusopplæringa. Slik kan ein gi kvarandre drahjelp, og skape heilskap i arbeidet. Gudsteneste med misjonsfokus, NMS misjonsavtale-markering, middag og misjonsløp etter gudstenesta.

Onsdagsmiddag

Antall gjestar varierer frå 50-80, nokre gonger 100. På oddetalsonsdagar er alle velkomne, både barnefamiliar og alle som kan tenke seg å dele måltidsfellesskap saman med andre. Middagstilbodet er med andre ord ikkje berre for dei som syng i kor, men eit tilbod til alle. Ein kan kjøpe seg rimeleg middag og få eit sosialt og godt måltid før ein skal vidare. Ein fin sjanse til å møte både nye og gamle landsmenn og til å invitere med seg nokon. Slik kan dette fungere som eit diakonalt tiltak også, i tillegg til at overskotet går til misjonsprosjektet i Thailand. Misjonsinformasjon vert gjeve på nokre av middagane, med bilder og brosjyrer. Stor takk til trufaste middagskokarar. Eit godt samarbeid mellom kyrkje og misjon.

Arrangement

Medhjelparfest og årsmøte 14.03.19

Alle frivillige medarbeidarar blei invitert, alle som kjende seg engasjert for kyrkja. Uansett om ein har faste oppgåver eller ikkje. Melding gjekk ut til 200 personer med oppfordring om å dele invitasjonen med andre. Ungdomsarbeidar Katrine Numme leia festen, samt stilte med sang og musikk saman med kantor Rose Iren Stave. Bjørg Djupvik Grebstad leia ein samtale kring frivillig teneste. Sokneprest Simen N Myklebust leia årsmøtedelen og las deler av Årsmeldinga 2018.

Godheitsveka 08.04.-14.04.2019

Ei initiativgruppe med utspring i kyrkja inviterte breitt til møte i Sykkylven kyrkje for å samarbeide om ei godheitsveke i Sykkylven kommune. På tvers av religion, krins, lag og organisasjonar set vi fokus på å glede andre og spreie godheit.

Barn, unge og vaksne erfarte at å vise godheit gjer godt for den som får og den som gir. Summen av alle godheitsbidraga gjorde ein markant forskjell for oss i Sykkylven og gav ringverknadar utover kommunegrensa. Dette er ein årleg aksjon i Sykkylven.

Kyrkjemessa 28. og 29. september 2019

Kunstutstilling på kyrkjetorget har blitt eit gledeleg og godt besøkt innslag kvart år på kyrkjemessa. I år hadde vi naturfotografen Reidar Netland som utstillar med mange flotte bilde frå Sykkylven. Utstillinga stod framme i fleire veker.

Fredagen var det program frå kl 13.00. Det var variert program og markering av 30 år med kyrkjemessa ved tidlegare sokneprest Per Inge Haugen. Svein Aure fortalde og viste bilder frå Aurebrannen. Vi hadde fleire musikkinnslag med Lars Viljo Fauske og Trio sanggruppe. Seniordansarane var også med.

Kaféen selde rømmegraut, kaker og kaffe og loddsalet gjekk godt med mange fine gevinstar.

Laurdagen var det lagt til rette for barn og unge. Her hadde vi også kafé og loddsal i tillegg til tombola på kyrkjetorget. På kyrkjetorget var det òg tilbod om ansiktsmåling og fletting av hår.

Vi hadde mykje flott korsong av Barnekoret Super, Jubasong og Blessing.

Erlend Lunde leia Grip mikrofonen der alle kunne kome fram og synge. Mange var også med på Blime-dansen.

Programmet laurdag vart avslutta med sporløp oppe i kyrkja der barna fekk oppgåver og gjekk rundt i kyrkja og fann svara. Siste innslag på laurdagen var trekking av bøkene som hadde vore selde av konfirmantar og mange frivillige som gjorde ein stor innsats.

Søndag var det gudsteneste i kyrkja og Saft Suse deltok med song.

Heile kyrkjemessa og lotteriet er drive fram av mange frivillige frå heile soknet og inntekta vart i 2019 ca. kr 100 000. Dette er midlar som vert brukt til barne- og ungdomsarbeid i kyrkjene.

Soknerådet vil takke alle som har gitt gevinstar, kjøpt og selt lodd, deltatt som frivillig under messedagane og under planlegging. Takk til alle som deltek med innslag og gjer dette til festdagar i kyrkja vår. Stor takk også til næringslivet i bygda som velvillig gir gevinstar og betalar for annonsering.

Seniordagen 27.10.2019

Seniordagen er eit fint samarbeid med Sykkylven kommun om gudstjeneste og middag i kyrkjestova. Sykkylven kommune betalar maten og ordføreren har ei helsing. Sokneråda på Ikkornnes og i Sykkylven står for arrangementet, tillaging, servering, invitasjon og omtale i avisa. Det er ein god tradisjon som mange set pris på. Det var mykje god sang og musikk. Seniorar er ofte definert som 60+. Dei er ein ressurs for samfunnet og har vore det i mange år. Ein ynskjer med denne dagen å sette pris på det dei har bidrege med: å ta hand om familie, naboar, deltaking i arbeid, foreiningar og lag, kyrkje, idrett, politikk og ved å støtte opp om lokalsamfunnet og å bidra til at Norge er et godt land å bu i.

Gudstenester og kyrkjelydsarbeid

Soknerådet har vore opptekne av vekst i kyrkjelyden, både gjennom antall menneske som deltek i ulikt kyrkjelydsarbeid, korleis vi møter kvarandre og at trua og kjærleiken hjå den einskilde skal styrkast. Gjennom mange år har det vore arbeidd for å styrke gudstenesta, med inkludering av frivillige og styrking av søndagsskulen. Søndagsskulen gjennom sine trufaste leiarar, gjer at kyrkja vert ein naturleg samlingsplass for heile familien søndagane.

Soknepresten melder om eit år der evangeliet vart forkynt, Jesus midt blant oss som samlast i Hans namn og ei rekke personar som ikkje kallar seg kristne fekk høyre budskapet om Jesus.

Viser til statistikken på dei to siste sidene.

Dåp

48 born vart døypte i 2019 (24 tilhøyrande i Sykkylven sokn). Det vart døypt 37 i 2018. Det er gledelege tal dette.

Det er viktig å nå ut til foreldre med invitasjon til dåp. Sidan ein ikkje har same informasjonstilgangen angående nyfødde, har vi ikkje høve til å sende invitasjon til medlemar som får barn. Det vert viktig med nye og gode strategiar for å nå ut med

invitasjon. Både DNK nasjonalt og på Bispedøme har dette som satsingsområde, og har laga inspirasjonshäfte for kyrkjelydane . Tilsette i kyrkja, men også andre kan vere med å invitere til dåp, og dele kva dåpen gir. Ein levande kyrkjelyd som møtes søndagar og til planlagde og uformelle møter gjennom veka, deler evangeliet i ord og handling. Det er med å skape tru, og gi vekst i trua.

Vigslar

Det har vore 9 vigslar dette året.

Gravferder

Gjennom 61 gravferder har sørgjande fått høyre evangeliet, høyrte musikk av høg kvalitet og fått praktisk hjelp. Mange frivillige har også brukt tid saman med sørgjande. Dette er ein viktig del av vårt diakonale arbeid.

Husgrupper

Fleire hus- og bønegrupper samlast utanom gudstenestene. Dei kan symbolisere eine vingen av eit fly, der gudstenestene er den andre. Skal Sykkylven kyrkje ”fly”, er samlingar med andre kristne med bøn og bibel viktig. Husgruppene har høve til å følge same bibel-opplegget som gudstenestene. Vi ynsker at gjestfridom i heimane kan spele ei enda større rolle i måten vi gjer Sykkylven til ein god plass å bu.

Meditasjons og bønensamlingar

I kapellet kvar torsdag, skjer eit viktig arbeid. Det er kanskje ikkje like synleg eller nemnt som mange andre oppgåver, men dette viktige meditasjon og bønearbeidet er med å bere anna arbeid. Samlingane har ein kort liturgi.

Det var retreat i Sykkylven kyrkje den 16.november med besøk av Ulla Käll.

Gruppa frå torsdagssamlingane i kyrkja la til rette for ein god retreatdag i kyrkja.

Stor takk til dei som fekk i stand denne samlinga.

Økonomi 2019

Pr. 31.12.2019 har Sykkylven sokneråd kr. 2 164 851,- i diverse fond.

I 2019 auka fonda for Sykkylven sokneråd med kr. 108 537,-

Felles fond saman med Ikornnes sokn hadde i 2019 ein nedgang på kr. 401 911,-

Det meste av dette er trusopplæringsarb. som bruker av fondet til løn.

Detaljert regnskap kan ein få ved å ta kontakt med kyrkjevevjen.

Fast gjevarteneste

Talet på faste gjevarar har minka med 2 personar samanlikna med år 2018. Kyrkja har dermed 26 faste gjevarar i Sykkylven-Ikornnes som til saman gav kr. 180 700,- i 2019. Dette er 32 500,- meir enn året før. For å unngå meirforbruk og ei «tapping» av opparbeida fond er det behov for auke i fast gjevarteneste. Dette særleg med tanke på arbeidsgjevaransvaret for trusopplærar og ungdomsarbeidar. Budsjettposten til leige av presteressurs som kyrkjelydane har i åra som kjem er også med her. Det vert laga til eit nytt opplegg (ikkje VIPPS) for «offring» under gudstenestene. Det blir også laga til meir info om fast gjevarteneste våren 2020.

TRUSOPPLÆRINGA 0-18 ÅR

I trusopplæringa i kyrkjelydane Ikornnes og Sykkylven er Katrine Numme tilsett i 100 % stilling som ungdomsarbeidar og Anna Myklebust som trusopplærar 80 % stilling. Trusopplærar har ansvar for trusopplæringa frå 0-12 år, og ungdomsarbeidar leiaransvar for trusopplæring frå 13-18 år. Desse stillingane er dels finansiert av trusopplæringsmidlar og innsamla midlar plassert i fond.

Viktigst er samarbeidet med alle dei frivillige i kyrkjelyden og resten av staben som bidreg på ulike måtar og opnar opp kyrkjene for born og unge. Trusopplæringa skjer først og fremst i heimane, men i kyrkja ønsker vi å bidra med trusopplæring som:

- vekkjer og styrkjer kristen tru - gir kjennskap til den treeinige Gud
- medverkar til kristen livstolking og livsmeistring
- utfordrar til engasjement og deltaking i kyrkje og samfunnsliv lokalt og globalt.

Trusopplæringsplanen heiter: "Gud gir, vi deler" - vi vil dele vidare det Gud gir.

Samarbeid med organisasjonar

Vi samarbeider med fleire, bl. a. Sprell levende- søndagsskuleforbundet, Ung kirkesang, Fjellseter Ungdomssenter, KFUK-KFUM, KRIK, Laget, NMS og NLM. Vi gjer erfaringar om at samarbeid er viktig.

Viktigaste erfaringar i 2019

Trusopplærar og ungdomsarbeidar har hatt fokus på faste tiltak i kyrkjelydane.

Vi har ein flott **søndagsskule** drive av frivillige i samarbeid med tilsette. Den gir tilbod til borna kvar søndag utanom enkelte gudstenester og sommarferien- og utgjer ein basis i trusopplæringa i kyrkjene. Stort behov for arbeid for gutar 5.-7.klasse.

Fredagsklubben

Det møtast 70-90 born i gruppa 5.-7. klassingar frå heile bygda. Dei møtast annakvar fredag, 6-8 gongar pr semester. Dette involverar mange frivillige og foreldre og klubben er med å opne opp kyrkja for born og unge. Borna får leike, spele playstation og dataspel, teikne og lage ting. Mobilfri sone er innført og leiarane ser på det som positivt at barna leikar og har det kjekt. I pausen er det andakt, og i år har ein lært borna bøna «Vår Far». Fredagsklubben har vore eit tilbod i over 10 år, og det er ikkje få unge som har vore innom.

Konfirmantleir

Det vert kvar haust ved oppstart, arrangert leir for konfirmantane. Det er delt på to arrangement på Fjellseter Ungdomssenter.

Samarbeid kyrkje og skule

Samarbeidet inngår det skulegudstenester før jul. Skulane kom til kyrkja på skulegudsteneste også i 2019. Positivt for samarbeidet er førebuing med juleteikningar i 5.kl og pynting av englar 4.kl. I år har også Ikornnes delteke, so no er alle skulane med. Trusopplærar og prestar besøker fast 5.kl ein skuletime og har undervisning om Bibelen, før utdeling av biblar på våren. Skulane er positive til samarbeid. Kantor og trusopplærar besøkte i år barnehagane og hadde ein førjuls song-stund med julesongar i samband med utdeling av CD med innspelt juleakkompagnement av Rose I Stave. Dette var positivt, også som førebuing til barnehagegudstenester.

Babysong

Det er eit fast tiltak som positivt samlingspunkt for babyar og mødre. Foreldre og barn møtes både i kyrkjekjellaren og på BUAS. Når barna blir større kan dei gå over til **småbarnsong** onsdag ettermiddagar i samband med onsdagsmiddag. Onsdagsmiddag har haldt seg oppe som eit populært og positivt tiltak for familiar.

Breiddetiltak

Viktige breiddetiltak for born opptil 12 år, er utdelingar av bøker til 4 og 6-åringar i løpet av året, utdeling av biblar til 11-åringar, og elles Barrabas-samling for 5-åringar, Tårnagent-helg for 3.kl og Lys Våken for 6.kl.

Ungdomskvelden XLR8

XLR8 har blitt gjennomført ein laurdag i månaden. Fokuset vart å ta vare på dei få som kom og bygge trygge og gode relasjonar. Utfordrande men viktig arbeid med aktivitetar, lek, mat og bibelinput.

Konfirmantar 70 stk starta hausten 2019

Temabolker i undervisninga: Gud - skaparen Jesus - frelsaren Den Heilage Ande. Truvedkjenninga. Joh. 3, 16. Bøn - Herrens bøn. Gudstenesta – Sakramenta.

Seksualitet og etikk. Misjon og dialog. Tema i Nettkonfirmant: Konfirmasjonstida Bibelen. Tru og tvil. Gud vår skapar. Gud og meg. Jesus vår frelsar. Tilgjeving og nåde. Den Heilage Ande. Boda. Kva er då eit menneske.

Songar i konfirmasjonstida: Jesus styr du mine tankar. Deg å få skoda. Open the eyes of my heart Lord. Shout to the Lord. Beautiful. Velsignelsen.

Våren 2019 var det pause fra KRIK pga. få ungdomar som møtte opp og for få leiarar.

Evaluering førte til KRIK-konfirmant som vart ein realitet h-2019. Konfirmantane kan velge mellom KRIK-konfirmant eller «Vanlig konfirmant» med nettoppgåver. 18 KRIK-konfirmanter. Få andre utanom konfirmantane er med på KRIK og det skal jobbast med. Eittårningen Rasmus Elias har hovudansvaret for KRIK i år. KRIK og XLR8 er øvrige tiltak i ny trusopplæringsplan.

Dåpsposen

Dåpsposen blei innført januar 2017 og er no godt innkøyrd. Den vert utdelt etter gudstenesta saman med dåpsattesten. Dei er med å sikre at fleire døypte får gåvene frå kyrkjelyden. Dette fører til at vi i 2020 kan ha samlinger som fokuserer på barnebibelen som dei får utdelt frå posen. Vi har fortsatt eit potensiale for å utvikle heimesida til å presentere trusopplæringsarbeidet.

Kompetanseutviklingstiltak

Tilsette og frivillige vert sendt på kurs for læring og inspirasjon i arbeidet. Trusopplæringskonferansen blir arrangert av den norske kyrkja og har vore prioritert hittil.

SONG OG MUSIKK

Korarbeid

Barnekora, småbarnssang og babysang er tilknytt Ung kirkesang. Rose I. Stave er prosjektansvarleg saman med domkantor i Molde, Tone Synnøve Steinkopf for spennande samarbeid om dirigentkurs for unge dirigenter kvart halvår, Molde/Sykkylven. Fokus er å lære unge direksjon og musikk. Kursa bygg på kvarandre, og deltakarane får tilbod om å ta prøve for å kome på neste nivå til neste kurs.

Både BlesSing, Jippikoret og Barnekoret Super held to konsertar på BUAS kvart år. Dei hadde også opptreden i gudsteneste saman med Jippi Koret. Dirigent vårsemesteret var kantor. Ikornnes Jentekor og BlesSing hadde julesong-weekend på Orreneset.

Sancta Luciamorgon med barnekoret Super får mange lovord frå dei som kjem.

Organistar

Savindri (Savi) Perera er tilsett som organist i 20%stilling med verknad frå 1.1.2019. Som fast vikar ein søndag pr.mnd. har vi Vidar Hovden. Andre organistvikarar vi gjerne nyttar er Tor Einar Steinsvik og Askjell Molvær.

Orgel og cembalo

Oppstart av Orgelklubben i Møre, ansvarleg Ung Kyrkjesong Møre. Rose I. Stave er leiar og Gunnar Inge Eide sekretær/kasserar. Pianoelevlar i kulturskulen får undervisning på orgel av sin eigen lærar eller av kantor. Vi fekk eit handlaga cembalo på prøve og kjøpte det. Instrumentmakar: Randulf L.Skjærset, Instrumentet er brukt i fleire konsertar og gudstenester til glede for mange. Cembaloet er no kjøpt med midlar frå fond for musikkarbeid.

Songgrupper

«Lovsongsgruppa» v/Helene Kampenes deltek i ei gudsteneste pr måned. Dei har også hatt åleineansvar for songen i Lovsongsgudsteneste utan organist.

«Forsongargruppe» v/kantor har også delteke i gudstenester.

«TRIO» med band v/Bente Bjørnstad Myrseth, Gunlaug B.Tandstad, Eldbjørg Ebbesvik, Nils Dagfinn Tandstad og Arnfinn Grebstad deltek i gudstenester og bedehus. Bandet v/kantor er med på øvingar og på framføringar.

Kyrkja i bygda

Vi er glad for dei som øver i kyrkja og deler song og musikk i gudstenester og konsertar.

Sykkylven Gospelkor v/dirigent Savindri (Savi) Perera øver fast i Sykkylven kyrkje på måndagar og deltek i gudstenester som ein del av leiga.

Velledalskoret v/dirigent Solveig Håvik øver fast i Sykkylven kyrkje torsdagar og deltek i gudstenester som ein del av leiga. Fast tradisjon er Helgemesse-gudstenesta.

Sykkylven Janitsjarorkester spelar kvart år 1.juledag. Det har og vorte tradisjon at SJORK har adventskonsert i kyrkja.

Musikkfestdagar, felles julekonsertar, nyttårskonsert og andre felleskonsertar: store

kyrkjekonsertar der kyrkjerommet, orgel, cembalo og kantor er ein sjølvstendig del av musikklivet. Kyrkjevevjerje jobba med musikkkanlegga, og dei er no blitt veldig bra.

«**Saft Suse**» v/Åge Frøystad deltek også på gudsteneste.

VURDERING 2019

Soknerådet si oppgåve er å **vekke og nære** det kristne arbeidet i kyrkjelyden.

I forhold til DNK sine mål:

1. Gudstenesteliv som blomstrar. Vi har eit mangfaldig gudstenesteliv der vi vil fortsette å involvere fleire. Viktig at både form og forkynning kan møte flest mogleg og best mogleg slik at den einskilde kjenner at ein har ein "heim i di kyrkje på jorda".

2. Fleire søker dåp og trusopplæring

3. Folkekyrkja engasjerar seg i samfunnet. Gjennom mellom anna diakoni, godheitsveka, fasteaksjon, misjonsprosjekt, kirkens SOS, kommunikasjonskurs/samarbeid med etatar, mykje forebyggjande arbeid mellom born og unge. Kyrkjelydsmedlemar har stort engasjement i samfunnet i møte med medmenneska sine på ulike arbeidsplassar og i nabolag.

4. Fleire får lyst å arbeide i kyrkja. Det er eit langsiktig mål og den måten vi som kyrkje møter frivillige, unge og vaksne vil vere med på å avgjere dette.

Uttale/vurdering frå sokneråd:

Arbeidet i kyrkjelyden er godt utført av ein dyktig stab og mange frivillige. Det er høg aktivitet i kyrkjelyden med satsing på trusopplæring og arbeid blant unge.

Møteplassar som kyrkjekaffi og onsdagsmiddag er viktige tiltak som fungerer godt. Dette er eit stort diakonalt arbeid, som involverer mange frivillige. Det er eit ynskje om at endå fleire tek initiativ, slik at fleire vert inkludert, sett og samtalt med. Kan vi gjere meir for at dei som kjenner seg utanfor kan bli inkludert? Innslag på kyrkjekaffien med tema «Bli kjent» er eitt forslag. Når nokon vert forhindra i å ta del i fellesskapet, - korleis kan vi inkludere og vere kyrkje då?

Diakoniplanen understrekar : Diakoni er kyrkja si omsorgsteneste. Den er evangeliet i handling og blir uttrykt gjennom nestekjærleik, inkluderande fellesskap, vern om skaparverket og kampen for rettferd. Er vi ei slik kyrkje? Sykkylven - og Ikornnes kyrkjelyd har gjennom sin diakoniplan visjonen: Levande tru – levande liv.

ARBEIDET VIDARE

Kyrkja: - trusfellesskap, - ikkje meningsfellesskap. Ein stad der tru, håp og kjærleik vertikalt og horisontalt kan erfarast. Vi vil invitere til frivilligheit og fellesskap, samt bruke sosiale og andre medier aktivt; informasjonsfilm, foto/videogruppe blandt konfirmantane, samt heimesida og Sykkylvsbladet. Dette til informasjon og inspirasjon om kva som skjer i kyrkja. og at dette kan vere med å legge strategi og plan for kyrkjelyden i vidare arbeid. Dette fokuset vil vi vidareføre i 2020.

Målsettinga for 2020 er også å satse meir på leiarar til barne- og ungdomsarbeidet. Ein berebjelke i barne og ungdomsarbeidet er ungt ansvar, vaksent nærvær. Erfaringar frå barne og ungdomsarbeid dette feltet er at mange unge ynskjer å delta, men den store mangelen av vaksne, gjer at ein må legge ned arbeid. Frivillige medarbeidarar er eit livsnødvendig fokus i arbeidet for alle aldrar. Muligheitene er mange for frivillige til å engasjere seg i ulike greiner av arbeidet. Viktig med tilrettelegging, informasjon og oversikt over arbeid og behov, samt å spørre om kva som er passande oppgåver for den enkelte. Ein levande kyrkjelyd har medlemmar i alle aldrar som engasjerer seg og får glede av alt det gode som skjer!

Vi vil takke for godt samarbeid med frivillige og stab som gjer ein stor innsats.
" .. **Gud er mektig til å gje dykk alle gåver i rikt mål, så de alltid og i alle høve skal ha alt de treng, ja, ha overflod til all god gjerning.**" 2.Kor.9.8.

Sykkylven kyrkjelyd vil vitne i ord og gjerning om frelse, fridom og håp i Jesus Kristus ved å vere: **Vedkjennande, open, tenande og misjonerande.**
Vi vil tilbe og vedkjenne trua på den treeinige Gud, saman med den verdsvide kyrkja.

Ved kvar dåp høyrer vi: *"Dette er Guds barn, døypt inn i vår kyrkjelyd, og i Kristi verdsvide kyrkje!"* Ei kyrkje utan misjon og som ikkje ser utover seg sjølv, er som eit hus utan vindu, der lyset ikkje slepp til. Kyrkja sitt utgangspunkt er å gi vidare,- dele.

"La riket ditt koma,- la viljen din råda på jorda slik som i himmelen!"

Meir himmel på jorda er Den norske kyrkje sin visjon. Det kan virke som for store ord å bruke til kvardags. Kven er eg, som skulle kunne bidra til meir himmel på jorda? Men det er nettopp det vi er kalla til. Spør kva Jesus ville gjort i situasjonen. Tenke over kva mitt bidrag kan være, for meir himmel på jorda dette året. Meir himmel på jorda– det er et fantastisk samfunnsoppdrag å ha! Gjere livet litt lettare for nokon rundt oss, bidra til å løfte skydekket bittelitt, be for nokon, vise veg til Jesus, være ein god kollega, hjelpe andre til å lukkast, sjå at vi saman kan løfte myke meir enn vi klarer aleine.

I lokalkyrkja, i Den norske og verdsvide kyrkje er vi mange som vil lyfte saman. Difor kan vi håpe at det i arbeidsåret 2020 kan bli **"meir himmel på jorda"** lokalt, nasjonal og globalt.

For Sykkylven sokneråd
May Lisbeth Hovlid Aurdal
- Soknerådsleiar -

Torbjørn Støylen
- nestleiar/ fungerande leiar-

Årstall	Tal guds- tenester	Tal del- takarar	Snitt	Tal nattverds- gudtenester	Tal nattverds deltakarar	Snitt	Guds- tenester på søndag og helge- dager	Tal deltakarar på søndag og helgedagar	Snitt	Døyppte
2010	68	12452	183	30	2132	71	51	10082	198	60
2011	68	12709	187	30	2519	84	55	10774	196	61
2012	68	13380	198	27	1975	73	55	11323	206	60
2013	70	14218	203	31	2383	77	55	11601	211	49
2014	70	14953	214	32	2689	84	56	12585	225	56
2015	64	12377	193	33	2811	85	51	10466	205	51
2016	65	12444	161	27	1939	72	50	10479	210	40
2017	63	11516	183	36	2729	76	51	7348	144	40
2018	59	11881	201	40	3073	77	50	8469	169	37
2019	60	10921	182	42	2733	65	51	7711	151	48
Snitt siste tre år	61	11439	189	39	2845	73	51	7843	155	42
Snitt alle år	66	12685	191	33	2498	76	53	10084	192	50

Årstal	Tal på fødde i Sykkylven kommune	Tal på dåp i Sykkylven kyrkje	Kor mange av dei døypte høyrer til Sykkylven sokn
2014	80	56	
2015	83	51	
2016	77	40	
2017	55	40	
2018	64	37	
2019	Talet enno ikkje tilgjengeleg frå ssb	48	24

Tala i tabellen tek ikkje omsyn til at ein del av dei døypte ikkje er fødde i Sykkylven.

